

Miss America

Ceist 1 Beidh tú ag féachaint ar ball ar thuirisc faoi bhean óg a bhuaigh *Miss America*. An dtuigeann tú na focail seo a bheidh sa tuairisc?

Gael-Mheiriceánach deimhnigh bunadh spéis faoi leith
ríméad éacht camchuart

Ceist 2 Anois féach ar an tuairisc agus freagair na ceisteanna thíos.

1. Cén fáth a bhfuil Teresa Scanlan éagsúil ó na buaiteoirí a tháinig roimpi?
2. Cé as Teresa agus cé mhéad duine ina teaghlach?
3. Cé as d'athair Teresa?
4. Cad iad na tíortha eile a bhfuil gaol ag Teresa leo?
5. Cén fáth a raibh áthas ar Shíle gur bhuaigh Teresa?
6. Cad a bheidh ar siúl ag Teresa sna míonna le teacht?

Ceist 3 Féach ar an abairt thíos:

'*Dheimhnigh* oifigeach preasa de chuid Miss America do Nuacht TG4 inniu gur Gael-Mheiriceánach í.'

An féidir leat na habairtí seo a chríochnú? Beidh ort na focail idir lúbíní a athrú.

1. Nuair a _____ (tiomáin) mé ann inniu bhí sé imithe.
2. _____ (ceannaigh) mé bronntanas deas do mo dheartháir ach _____ (caill) mé é.
3. _____ (imigh) sé leis go dtí an cheolchoirm gan mé.
4. _____ (fág) tú do chuid airgid ar an mbord.

Anois, cad faoin aimsir chaite de na briathra mírialta? Scríobh amach an fhoirm cheart den bhriathar san aimsir chaite – sa diúltach agus sa dearfach. Tá an chéad cheann déanta duit.

Abair: dúirt / ní dúirt
Beir: _____
Bí: _____
Clois: _____
Déan: _____

Faigh: _____
Feic: _____
Ith: _____

Tabhair: _____
Tar: _____
Téigh: _____

Ceist 4 Féach ar na focail seo a bhí le cloisteáil sa mhír. An féidir leat na focail a bhfuil malairt brí acu a aimsiú.

1. is óige	a
2. a bhuaigh	b
3. iarthar	c
4. cinnte	d
5. an-rímeád	e
6. dea-scéala	f
7. seo	g

Ceist 5 Roghnaigh an fhoirm cheart den fhocal chun na bearnaí thíos a líonadh:

Níl Teresa Scanlan ach seacht (bliain / bliana / mbliana) _____ déag d'aois agus is í an duine is óige í a bhuaigh *Miss America* le seachtó a (ceithre / ceathrú / ceathair) _____ bliain. Tá cónaí ar Teresa in Gering in Iarthar Nebraska sna Stáit Aontaithe. Tá sí ar dhuine d'_____ (ocht / ocht / ochtú) clainne.

Éist leis an mhír arís le feiceáil an raibh an ceart agat.

Ceist 6 Pléigh na ceisteanna seo leis an duine in aice leat nó le do ghrúpa:

An bhfuil aon chur amach agat ar chomórtas *Miss America*?
Cad a cheapann tú faoi chomórtais áilleachta go ginearálta?
Cén fáth nach bhfuil a leithéid de chomórtas ann do na fir, *Mr America*, mar shampla?
An bhfuil *The Rose of Tralee* níos fearr ná *Miss America* dar leat? Cén fáth?

Treoracha agus freagraí

Ceist 1

Gael-Mheiriceánach – *Irish-American*

deimhnigh – *to confirm*

bunadh – *origin*

spéis faoi leith – *special interest*

ríméad – *joy*

éacht – *achievement*

camchuairt – *tour*

Ceist 2

1. Is í an buaiteoir is óige le seachtó a ceathair bliain anuas a bhuaigh an comórtas, agus is í an chéad Miss Nebraska.
2. Is as Gering Nebraska í agus tá ochtar sa chlann.
3. As na Stáit Aontaithe é ach is as Éirinn a mhuintir.
4. An Chróit agus an Ghearmáin.
5. Dúirt sí go bhfuil sí an-sásta ar fad sloinne a roinnt le bean a bhuaigh an duais seo agus gur dea-scéala é do mhuintir na hÉireann a bheith bainte le bean a rinne éacht mar seo.
6. Beidh sí ag tabhairt camchuarite ar fud na Stát Aontaithe.

Ceist 3

1. Nuair a **thiomáin** mé ann inniu bhí sé imithe.
2. **Cheannaigh** me bronntanas deas do mo dheartháir ach **chail** mé é.
3. **D'imigh** sé leis go dtí an cheolchoirm gan mé.
4. **D'fhág** tú do chuid airgid ar an mbord.

Abair:	<i>dúirt / ní dúirt</i>
Beir:	<i>rug / níor rug</i>
Bí:	<i>bhí / ní raibh</i>
Clois:	<i>chuala / níor chuala</i>
Déan:	<i>rinne / ní dhearna</i>
Faigh:	<i>fuair / ní bhfuair</i>
Feic:	<i>chonaic / ní fhaca</i>
Ith:	<i>d'ith / níor ith</i>
Tabhair:	<i>thug / níor thug</i>
Tar:	<i>tháinig / níor tháinig</i>
Téigh:	<i>chuaigh / ní dheachaigh</i>

Ceist 4

1. is óige	<i>a. is sine</i>
2. a bhuaigh	<i>b. a chail</i>
3. iarthar	<i>c. oirthear</i>
4. cinnte	<i>d. éiginnte</i>
5. an-ríméad	<i>e. an-míshástacht</i>
6. dea-scéala	<i>f. droch-scéal</i>
7. seo	<i>g. sin</i>

Ceist 5

Níl Teresa Scanlan ach **seacht mbliana déag** d'aois agus is í an duine is óige í a bhuaigh *Miss America* le **seachtó a ceathair** bliain. Tá cónaí ar Teresa in Gering in Iarthar Nebraska sna Stáit Aontaithe. Tá sí ar dhuine d'**ochtar** clainne.

Ceist 6

Is féidir an plé seo a dhéanamh i mbeirteanna nó i ngrúpaí.

Éimear Ní Chonaola

Anois ag fanacht ar an taobh sin den domhan, is í Teresa Scanlan duine de na mná is óige riamh a bhuaigh an comórtas *Miss America*. Is Gael-Mheiriceánach í Teresa Scanlan agus is í an chéad Miss Nebraska í a bhuaigh an comórtas riamh.

Áine Lally

Níl Teresa Scanlan ach seacht mbliana déag d'aois agus is í an duine is óige í a bhuaigh *Miss America* le seachtó a ceathair bliain. Tá cónaí ar Teresa in Gering in Iarthar Nebraska sna Stáit Aontaithe. Tá sí ar dhuine d'ochtar clainne. Dheimhnigh oifigeach preasa de chuid *Miss America* do Nuacht tg4 inniu gur Gael-Mheiriceánach í Teresa Scanlan ar thaobh a hathar. Ach ní fios go cinnte cén contae a bhfuil bunadh a hathar. Ní de bhunadh na hÉireann amháin í Teresa ach de bhunadh na Cróite agus na Gearmáine freisin. Go deimhin ní hiontas go gcuirfeadh muintir Scannláin anseo in Éirinn spéis faoi leith i gcomórtas *Miss America* na bliana seo.

Síle Ní Scánláin, craoltóir

Bhuel, caithfidh mé a rá go bhfuil an-ríméad orm. Is álainn an rud é sloinne a roinnt le duine a bhain duais mhór mhillteach amach agus is deas an rud é freisin do mhuintir na hÉireann, is cineál dea-scéala é ar bhealach amháin é, go bhfuil gaol againn, nó baint againn le bean a bhain amach . . . a rinne éacht mór millteach.

Áine Lally

Tabharfaidh Teresa camchuairt timpeallⁱ Mheiriceá as seo go ceann roinnt míonnaⁱⁱ agus cá bhfios nach dtabharfaidh sí cuairt ar an tír seo am éigin chun casadh le cuid de na Scannláin eile b'fhéidir. Áine Lally, Nuacht TG4.

ⁱ *thimpeall* a deirtear

ⁱⁱ *míosa* a deirtear